

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 26.04.2018թ. թիվ 1807986661 որոշման հիմքում դրված փաստական հանգամանքների դեմ բերված զանգատն առանց բավարարման թողնելու մասին, իսկ թիվ 1807990879, 1807993254, 1807999925 և 1808002581 որոշումները բեկանելու և վարչական վարույթները կարճելու մասին

<<18>> 05 2018թ. 17-13-53956-18/17-13-435

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սուրեն Ներսիսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Յ Ի

Երևան քաղաքի Հ.Էմինի փողոց 82 շենքի 60 բնակարանի բնակիչ Սուրեն Ներսիսյանը դիմումով հայտնել է, որ BMW մակնիշի 34 PD 076 հաշվառման համարանիշի ավտոմոբիլը վարել է ինքը և խնդրել վերանայել տվյալ ժամանակահատվածում կատարված երթևեկության կանոնների խախտման համար կայացված թիվ 1807986661, 1807990879, 1807993254, 1807999925 և 1808002581 որոշումները՝ նշելով, որ դրանք կայացվել են նույն իրավախախտման համար:

<<Վարչական իրավախախտումների վերաբերյալ>> ՀՀ օրենսգրքի 286-րդ հոդվածի 1-ին մասի համաձայն Սուրեն Ներսիսյանը ճանաչվել է որպես խախտումները կատարած անձ, ուստի նրա կողմից ներկայացված զանգատը ենթակա է քննության:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

Վիճարկվող որոշումների հիմքում դրված տեսանյութերը փաստում են, որ դիմումատուին պատկանող տրանսպորտային միջոցը 2018թ. ապրիլի 17-ին, 18-ին, 19-ին, 20-ին և 22-ին կանգառներ է կատարել Երևան քաղաքի Փափագյան-Էմին փողոցների խաչմեջուկի հատվածում՝ նույն տեղում, նույն դիրքով, չկան ապացույցներ՝ վարորդի կողմից տրանսպորտային միջոցը վարելու և իրավախախտումը կրկին կատարելու վերաբերյալ:

<<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի 1-ին մասի <<բ>> կետի համաձայն, անձի եւ վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության դեպքում:

Ելնելով վերոգրյալից, ղեկավարվելով Վարչարարության հիմունքների և վարչական վարույթի մասին ՀՀ օրենքի 63-րդ հոդվածի 1-ին մասի <<ա>> կետով, Վարչական

հրավախսախտումների վերաբերյալ 286-րդ հոդվածի 1-ին մասով և 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807990879, 1807993254, 1807999925 և 1808002581 որոշումները բեկանել և վարչական հրավախսախտման վերաբերյալ գործը կարճել:

2. Սուրեն Ներսիսյանի՝ Ճանապարհային ոստիկանության թիվ 26.04.2018թ. թիվ 1807986661 որոշման հիմքում դրված փաստական հանգամանքների դեմ բերած գանգատը թողնել առանց բավարարման:

3. Հանձնարարել ՏՄՀԽԱ կենտրոնին՝ Սուրեն Ներսիսյանի անվամբ կայացնել նոր վարչական ակտեր:

4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

5. Սույն որոշման օրինակն ուղարկել Սուրեն Ներսիսյանին և ՏՄՀԽԱ կենտրոն:

Գրառարկող Ղ.Առաքելյան



Ե. Կարապետյան